

SCRIPT OF MORNING GOJRI NEWS BULLETIN 22MAR 2025
1015HRS

مارننگ گو جری نیوز بولین 22 مارچ 2025

یوہ آکاشوانی جموں بے عبد لرحمان تیں خبر سنو۔

Formatted: Centered

LG PURPLE FEST

لیفٹیننٹ گورنر منوج سنہا نے دیو یانگجن غی اہمیت تے صلاحیتاں نانہہ سراہیو بے تے ایک مرکز قابل رسائی و جامع جموں کشمیر بنان غاپنا عزم غو اظہار کیو بے لیفٹیننٹ گورنر منوج سنہا کل راج بھون جموں مانہہ پرپل فیسٹ ۲۰۲۵ مانہہ شرکت غے دوران خطاب کر رہیا تھا یاہ تقریب دیونگجن واسطے شعور شمولیت تے باختیاری نانہہ فروغ دین غا مقصد سنگ منعقد کی گئی تھی لیفٹیننٹ گورنر موصوف نے حکومت غی طرفوں دیویانگجن واسطے ایک معاون ماحول پیدا کرن اُن غی فطری صلاحیتاں نانہہ فروغ دین تے انہاں نانہہ باعزت زندگی گزارن غے قابل بنان واسطے چایا گیا اہم اقدامات نانہہ وی آجاگر کیو انہاں نے کہیو جے ہم نانہہ دیویانگجن غ احقوق وقار تے پہلانی بہتری نانہہ یقینی بنان واسطے پچھلہ کئی براں مانہہ بھر پور لگن سنگ کم کیو بے تے کئی اہم اقدامات وی چایا گیا ہیں انہاں نے کہیو جے وے دیونگجن غی سماجی اقتصادی تے ثقافتی زندگی غا ہر پہلو مانہہ شمولیت نانہہ یقینی بنان واسطے مکمل طور ور پُر عزم ہیں۔

Formatted: Centered

NEW MED CLG

مرکزی حکومت نے جموں کشمیر مانہہ ۲ نوا طبی کالج بنان غی منظوری دے دتی بے یوہ کالج مرکزی معاونتی منصوبہ غے تحت اُن علاقان مانہہ قائم کیو جے غو جت طبی تعلیم غی سہولت کھٹ بے۔ آکاشوانی جموں گا نمائندہ غے مطابق وزارت صحت و خاندانی بہبود غو کہنو بے ادھمپور تے ہنڈوارا مانہہ نوا طبی کالج بنایا جیں گایوہ منصوبہ حکومت غا اس برا مقصد غو حسو بے جس غے تحت بھارت بھر مانہہ ۷۵۱ نوا طبی کالج قائم کیا جیں گاکاس طور ور پشماندہ تے سرحدی علاقان مانہہ حکومت نے مزید کہیو کہ جموں کشمیر غ مختلف طبی اداران واسطے ۶۹۱ پوسٹ گرجیوشن نشستیں تے ۰۶ ایم بی بی ایس نشستیں وی منظور کی ہیں تانجے طبی تعلیم غا مواقع بدھایا جاسکیں۔

Formatted: Centered

RANA FORESTS

وزیر برائے جنگلات تے ماحولیات جاوید احمد رانا نے جموں کشمیر گا وسیع جنگلات غ تحفظ واسطے اجتماعی کوششاں غی ضرورت ور زور دتو۔ وہ جموں کشمیر جنگلات محکمہ غی جانب تیں کنوینشن مرکز جموں مانہہ عالمی یوم جنگلات غی تقریب مانہہ بول رہیا تھا۔ انہاں نے کہیو کہ جنگلات مارا ماحول واسطے بہت ضروری بے یوہ موسم نانہہ قانون مانہہ رکھے ہم نانہہ صاف ہوا تے پانی میسر کرے جانوراں تے بوداں نانہہ بچاؤے تیمارا ادر گرد غا قدرتی توازن برقرار رکھے۔ وزیر نے سب نانہہ نوا تے بہتر طریقہ اپنان ور زور دتو تانجے جنگلات نانہہ محفوظ رکھیو جاسکے تے مقامی لوکاں نانہہ اس مانہہ شامل کرے اُن غی زندگی نانہہ بہتر بنایو جاسکے۔

Formatted: Centered

RANA DOGRI SONG

جموں مانہ ڈوگری موسیقی نانہ فروغ دین واسطے ایک نوو گانو گل سونی لے جاری کیو
گیو یاه تقریب پلاتی نم سینیمان پام آنی لینڈ مال کنال روڈ جموں مانہ منعقد ہونی قبائلی امور
غا وزیر جاوید اضمہ رانا جہیڑا اس موقع ور مہمان خصوصی تھانے اس گانا بنان آلی ٹیم غی
محنت نانہ شربایو انہاں نے کہی وکہ عمر عبداللہ غی حکومت مقامی فنکاراں غی بھرپور مدد
کر رہی ہے تے جموں کشمیر غ ثقافت نانہ فروغ دینو چارہی ہے۔ پدم شری اعزاز یافتہ بلونت
ٹھاکر وی اس تقریب مانہ موجود تھا انہاں نے کہیو کہ یوہ گانو ڈوگری موسیقی غاورثہ نانہ
محفوظ رکھن مانہ ایم کردار ادا کرے غو۔

Formatted: Centered

SATISH OUTREACHCAMPS

ٹرانسپورٹ غا وزیر ستیش شرما نے کل سیلوٹ تے راہ سیلوٹ پنچائیت جہیڑی کہ چہنبہ حلقہ
غا دور دراز علاقہ مانہ واقع ہے مانہ ۲ عوامی رسائی کیمپ منعقد کیا وزیر موصوف نے ان
دور دراز علاقہ غا لوکاں گا مسائل تے خدشات غو جانیزو لیو تے نالے ۸ سو میٹر لمبی
بادور مالوادہ تک جوڑن آلی رابطہ سڑک ور لک پان اٹ آب نکاسی غا کم تے حفاظتی دیوار
غا کم غو وی اعلان کیو یہ ترقیاتی کم محکمہ تعمیرات امہ غے زریعے ۶۴ لکھ روپیاں گی
تخمینہ لاگت سنگ مکمل کیا جارہیا ہیں۔ وزیر موصوف نے علاقہ مانہ ایک ایک سو کے وی
ٹرانسپورٹ غی تنصیب غو وی افتتاح کیو ان عوامی رسائی کیمپاں مانہ لوکاں گیا یک بری
تعداد غی شرکت نانہ دیکھیو گیو جن مانہ زندگی غ ابر شعبہ سنگ تعلق رکھن آلا افراد شامل
تھا تے اس دوران بنیادی سہولت تیں لے غے بنیادی ٹھانچہ غی ترقی تک غا مقدر مسائل
نانہ آجاگر کیو گیو

Formatted: Centered

TERROR ASSOCIATE

ادھمپور پولیس نے دہشت گردان غ اساتھ دین آلا ایک شخص نانہ جموں کشمیر پبلک
حفاظتی ایکٹ غے تحت جیل بھیج دتو گیو ہے یوہ شخص فاروق احمد ولد عبدل ہمد ساکن
سڈوترہ تحصیل لوہانی ملہار ضلع کٹھوہ غو رہن آلو ہے پولیس غے مطابق یوہ شخص دہشت
گردان نانہ سہولت فراہم کرے تھو تے ان واسطے رہنما غا کم کرے تھو اس غے کلاف پختہ
ثبوت موجود ہیں کہ یوہ دہشت گردان غی مدد کر رہیو تھو اس واسطے حکام نے اس نانہ کیل
مانہ بھیج دیو ہے۔

Formatted: Centered

WORLD WATER DAY

اج عالمی پانی گو تہارو منایو جارہیو ہے اس تہاڑا گو مقصد صاف پانی غی اہمیت نانہ آجاگر
کرنو تے پانی غ اوسایل غا پائیدار انتظام غی ہماہت کرنو ہے یوہ دن افودام متہدہ گا پائیدار
ترقیاتی ہدف ۶ تیں جڑو وی ہے جس غو مقصد ۲۰۳۰ توڑی سب واسطے صاف پانی تے
پانی غی نکاسی غی سہولت فراہم کرنو ہے اس سال عالمی پانی تہاڑا غو موضوع ہے گلشیر
غو تھفظ جہیرو اس گل ور زور دے کہ گلشیر زمینور ساف پانی غا ڈکانیر برقرار رکھن مانہ
اہم کردار ادا کرے موسمی تبدیلیاں غے باعث گلشیر غ اتحفظ واسطے فوری اقدامات غی
ضرورت ہے۔ پانی غا تحفظ گا بارا مانہ آگاہی پیدا کرن واسطے ملک بھر تے دنیا بھر مانہ
مختلف تقریبات غو انعقاد کیو جارہیو ہے۔

Formatted: Centered

PM MKB

وزیر اعظم نریندر مودی ملک سے بیرون ملک مائہ رہ رہا بھارتی شہریاں سنگ آئندہ
30 مارچ ناہہ آکا ش وائی ورمن کی بات پروگرام غا اپنا مائہہ وار پروگرام مائہہ اپنا
خیالات سانجہ کریں گا۔ یا مائہہ وار پروگرام غا 120 ویں قسط وے غا۔

NEWS READ BY ABDUL REHMAN'
NEWS EDITOR KUNAL SHRIVATSA
SKILLED TARSEM
TECH ASST KOMAL
DEO NUSRAT

Formatted: Centered